

光明六趣殊倫共臻積貺齋主恭捧簪等算
金玉齊身壽祿內延災凶外息子孫忠孝門
宇清安三界真靈潛加佑護上明
天尊廣濟之澤下副臣等皈命之誠謹啓以
聞

知磬舉十二願

都講舉存神燒香

高功復爐

香官使者左右龍虎君侍香諸靈官當令臣
向來午朝陞壇行道之所自然生金液丹碧
芝英百靈衆真交會在此香火爐前當願十
方仙童玉女接待蘭煙傳臣向來所啓之誠
速達徑御

至真无極大道

三清三境天尊

昊天玉皇上帝

紫微北極大帝 御前

知磬舉出堂頌 出戶

引至六幕堂

道門科範大全集卷之二

道門科範大全集卷之三

廣成先生杜光庭則定

生日本命儀

晚朝行道

都講舉各禮師存念如法

高功宣衛靈呪

五星高耀 瑞氣飛浮 元始集神 天地交周
玉符寶籙 嘯命微幽 擲火揚威 奸凶無留
萬魔振伏 紛葩却消 摧怪滅惡 道炁周流
神光照夜 陰翳俱收 萬神降格 扇景乘飈
群生成遂 惠遍神州和與道合真

都講舉鳴法鼓二十四通

高功發爐

無上三天玄元始三炁太上虛无大道君召
出臣等身中三五功曹左右官使者左右捧
香驛龍騎吏侍香金童傳言散花玉女五帝
直符直日香官各三十六人出出者嚴裝顯
服冠帶垂纓關啓玄壇天帝天真當召此間
土地里城真官正神急上關啓臣今晚朝陞
壇行道謹奏爲入意其諸忱悃已錄告闕願

得太上十方至真道炁靈寶瑞光下降流入

臣等身中令臣所啓之誠速達徑御

至真无極大道

三清三境天尊

昊天玉皇上帝

星主紫微大帝 御前

都講舉請稱法位

具位臣某與合壇法衆等謹同誠上啓

斗極祖師洞真大道元始天尊斗極宗師洞

玄大道太上道君斗極真師洞神大道太上

老君玉皇大天尊玄穹高上帝斗中之尊天

皇大帝斗中之主紫微大帝北斗高上玉皇

尊帝君太微玉帝玄卿大帝北斗太尉陽明

貪狼玉晨君北斗上宰陰精巨門玉晨君北

斗司空真人祿存玉晨君北斗遊擊玄冥文

曲玉晨君北斗斗君丹元廉貞玉晨君北斗

太常北極武曲玉晨君北斗上帝天關破軍

玉晨君北斗玉帝洞明外輔玉晨君北斗帝

真隱元內弼玉晨君斗中天罡萬真節度奎

光帝君北斗九皇夫人九陰內妃三白華蓋

精修或愚夫有捕影之譚而上士契勤行之
効明科要訓今古攸遵今齋主某宿稟正真
志崇玄奧達體道修生之理悟重玄秘妙之
門屬初誕之辰啓焚修之會冥心十極稽首
諸天行道轉經祈真請福臣等輒相攜率依
按典儀共罄丹誠仰希洪澤伏冀至真上聖
無極高尊俯鑒所陳滂流景祐賜朱陽玉闕
文昌上官韓君開延壽之符司馬錫長生之
籙真靈翊衛和炁資薰右宮削短促之篇左
簡注遐長之算祿祚增廣罪咎消平眷屬又
康幽明舒泰上願

知磬舉十二願

帝王萬壽社稷安寧異域殊庭同文共軌三
光朗晏六炁宣和穀稼豐登龍神協贊年無
疵癘俗洽雍熙洎手夜府泉關三塗六趣惠
澤蕩焦勞之苦天光開昏暗之衢並出幽沉
盡蒙升度旁周十極遐及九圍動植生靈俱
登壽域上明

天尊大慈之澤下副臣等敝命之誠謹啓以
聞

都講舉存神燒香

高功復爐

香官使者左右龍虎君侍香諸靈官當令臣
向來晚朝陞壇行道之所自然生金液丹碧
芝英百靈眾真交會在此香火爐前當願十
方仙童玉女接待蘭煙傳臣向來所啓之誠
速達徑御

至真无極大道

三清三境天尊

昊天玉皇上帝

紫微北極大帝 御前

知磬舉

出堂頌

出戶

引至六幕堂

道門科範大全集卷之三

道門科範大全集卷之四五

廣成先生杜光庭剛定

舍三

懺穢疾病儀

清旦行道

法事陞壇如式

都講舉各禮師存念如法

高功宣衛靈呪

青陽虛映耀日回靈神虎辟邪 飛天流鈴
摧奸滅試萬魔東形 九微迴道 八威攝精
千真校錄 三元蕩清 左肅中黃 右榮六丁
七轉八合周旋天經 聖化巍巍 大道興行
慶雲流布 合景黃庭和與道合真

都講舉鳴法鼓二十四通

高功發爐

無上三天玄元始三炁太上道君太上老君
召出臣等身中三五功曹左右官使者左右
捧香驛龍騎吏侍香金童傳言散花王女五
帝直符直日香官各三十六人出出者嚴裝
顯服冠帶垂纓關啓玄壇土地方域神真臣
今早朝陞壇行道謹奏為入憲其諸忱悃已